



**BOTILAK.** Eusko Label zigiluarekin merkaturatutako sagardo botila sorta bat. JON URIBE / FARGAZ PRESS

«Sagardoak etorkizuna dauka, bai hemen eta baita kanpoan ere»

**ARANTXA EGUZKIZA**  
Gipuzkoako Sagardogileen  
Elkarteko lehendakaria

Herrian, botilan gehienbat». Jendea sagardotegietara joatera animatzen du Eguzkizak. «Sagardoaz eta sagardotegietan sortzen den giroaz gozatzeko, baita jakiez eta beste gauza askoz ere».

### Sagar urtea

2012a sagar urtea izan dela dio Eguzkizak, bertako sagarrarena. «Kalitate handiko sagarra jaso dugu, eta sagardoarekin oso gustura gaude; horrek ilusioa eta esperantza ematen dizu».

Sagardo ona dastatuko dugu aurten. «Nik esango nuke baietz. Nire etxeko sagardoarekin gustura nago, eta beste leku batzuetan dastatu ditudanak ere gustukoak ditut. Upel batzuetako sagardoak beste batzuetakoa baino aurrerratuagoa dago, eginagoa, beti bezala, hala behar du gainera, batna oso ondo, oso onak dira denak».

Eusko Label zigilupean 6 milioi litro inguru ekoitzi dira, «bertako sagarrarekin». Eguzkizak azpimarratu duenez. Ekoizpenarekin pozik daude, beraz. «Eguraldiak asko lagundu du, uda lehorra izan da eta sagar azukreduna jaso dugu, oso sanoa».

Aurten edango ditugun sagardoak apur bat «leunagoak» direla dio. «Gorputza dute, eta erraz edaten dira».

Eusko Label zigilupean erregistratutako sagardotegiak hauek dira: Aburuza, Aginaga, Añota, Astarbe, Axpe, Baleio, Bereziartua, Etxebarria, Eula, Laneko, Iparragirre, Kandi, Lizeaga, Malgarraga, Ola, Petritegi, Rezola, Saizar, Urbitarte eta Uxarte.

Eusko Label zigilupean inskribatutako sagardotegiak: Calonge, Etxeberria, Itsas Buru, Iturrieta, Larrarte, Sebastianeko eta Urkiola.

Bizkaiko Sagardogile Elkarte, Gipuzkoako Sagardogileen Elkarte eta Arabako Sagar eta Sagardogile Elkarte aritzen dira Eusko Label zigiluarekin.

## ILUSIOA ETA ERRONKAK

Sagardoa Eusko Label zigiluarekin ekoitzi duten sagardogileak itxaropentsu eta baikor daude hasi berria den txotx garaiari begira.

**T**xotx garai hasi berria dela, Eusko Label zigiluarekin aritzen diren sagardogileak «animata eta itxaropentsu» daude, Arantxa Eguzkiza Gipuzkoako Sagardogileen Elkarteko lehendakariak baieztatu duenez. «Baikorrak izan behar dugu; denok dakigu zein egoeratan gauden, baina guri dagokiguna ahalik eta ondoan egiten saiatzen gara, eta horretan jarraitu behar dugu». Krisiaren itzala nabarmena izan arren, Eguzkizak uste du herritarrek sagardotegietara joateko duten ohitura ez dutela galduko. «Krisia antzematen da, bai noski; au-

rreko urteetan astegunetan sumatu genuen gehienbat sagardotegietan, baina egia ere bada jendeak erantzuten duela, eta, nire ustez, hori nabarmendu behar da, etortzen den jendea oraindik asko dela, eta gure esker ona eman behar dugu jende horri».

Sagardogileek ilusioa ez dute galdtu. «Sagardo munduan erronka handiak ari gara aurrera eramaten. Eusko Label sagardoa krisi garaian atera dugu. Nik nire etxean krisi garaian ekoitzi dut Eusko Label sagardoa eta ekologikoa». Herriko Iparragirre sagardotegian dihardu Arantxa Eguzkizak.

Turismoaren arloa lantzen hasi

dira sagardotegiak, bisita gidatuak eskainiz. «Horrek ez du esan nahi horretan geratu behar dugunik, horrek esan nahi du oraindik eta gehiago saiatu behar dugula gauzak aldatzen eta aurrera segitzen. Sagardogileok krisi momentu honetan inoiz baino ilusio eta gogo gehiagorekin lan egin behar dugu aurrera egiteko, bertako sagarraren aldeko apustua egin. Eusko Label zigilua daukagu, eta jatorri izena lortzeko bidean gaude».

Turismoa landu ez ezik, beste hainbat egitasmo ere bideratu dituzte. Eguzkizak azpimarratu duenez: «Internet bitartez erosteko sa-

gardo denda, txotx aplikazio berriak, bertako sagarraren eta sagardoaren gaineko ikerketak eta beste batzuk».

Egoera zailari aurre egiteko produktua onak daukate ekoizleak: sagardoa. «Oso edari ona da, naturala, freskagarria eta graduazio apalekoa. Euskaldunon eta denon ondarea da, eta hori zaindu egin behar da, indartu eta bultzatu, eta hori da gure eginkizuna».

Sagardoak «etorkizuna» daukala nabarmendu du Eguzkizak: «Bai hemen eta baita kanpoan ere. Hemen bertan oraindik asko dago egiteko. Sagardoak daukana baino leku handiagoa merezi du Euskal



# LIZEAGA

Sagardotegia | Astigarraga | ☎ 943 468 290

Lizeaga Sagardoa, hori gozamina!

edan eta eman edatera

